



UNTUK SIARAN SEGERA

KENYATAAN MEDIA

DOF AMBIL LANGKAH PULIHARA HASIL LAUT NEGARA

1. Jabatan Perikanan Malaysia (DOF) ingin memberi maklumbalas berkaitan isu kekurangan sumber perikanan yang disiarkan di TV3 dan TV9 baru-baru ini.
2. Antara tindakan dan langkah-langkah segera yang telah diambil adalah dengan menjadikan **Taman Laut** sebagai kawasan perlindungan sumber perikanan dan kepelbagaian biodiversiti yang dapat menyeimbangkan sumber perikanan.
3. **Tukun tiruan** juga telah banyak dilabuhkan yang menjadi habitat semulajadi ikan-ikan untuk membiak dan meningkatkan populasi ikan di perairan Malaysia. Melalui kajian yang telah dijalankan oleh Institut Sumber Marin Asia Tenggara (ISMAT/SEAFDEC) Terengganu, pendaratan dan bilangan kepelbagaian spesies **semakin bertambah kesan pembangunan tukun tiruan** terhadap sumber perikanan di perairan Malaysia.
4. Pengenalan **musim tertutup** adalah perlu untuk memberi peluang/ruang kepada sumber perikanan dan hidupan laut dalam proses untuk membiak dan membesar. Musim tertutup dikenali sebagai tempoh berehat kepada ikan-ikan dengan nelayan tidak keluar ke laut untuk menangkap ikan pada tempoh-tempoh tertentu.
5. **Exit policy** bot pukat tunda di Zon B, dengan menggunakan peralatan tangkapan ikan yang lebih mesra sumber adalah langkah yang paling berkesan sekali demi kelestarian sumber perikanan.
6. Melaksanakan **pengurusan perikanan mapan** secara drastik, termasuk mengawal operasi pukat tunda dan pada masa yang sama penguatkuasaan dilakukan secara menyeluruh dan holistik.

7. Melaksanakan pelan pengurusan yang telah digarab seperti ***Fisheries Management Plan (FMP) dan National Plan of Action (NPOA)*** sebagai langkah pemuliharaan segera untuk mengatasi kemerosotan sumber selain kelestarian perikanan pada masa akan datang.
8. Pengekalan **hutan bakau** telah dilaksanakan sebagai usaha bagi memastikan habitat semulajadi terjamin dan pemuliharaan khazanah marin negara demi kelestarian sumber perikanan.
9. **Kerjasama antarabangsa** dengan negara jiran bagi pengurusan sumber perikanan secara efektif terutamanya terhadap konservasi sumber yang memberi impak besar.
10. Dijangkakan dengan **langkah-langkah pengurusan perikanan** yang sedang dan akan diambil secara berterusan adalah merupakan usaha bagi menjamin sumber perikanan Negara dan sekaligus dapat meletakkan Malaysia sebagai negara yang gemilang dari segi pengurusan sumber di rantau ini.

###

Kenyataan media ini disiarkan oleh :

UNIT KOMUNIKASI KORPORAT

Ibu Pejabat, Jabatan Perikanan Malaysia
Wisma Tani, Putrajaya

06 November 2019 (Rabu) jam 2:00 petang

Sebarang pertanyaan sila hubungi :-

No. Tel : 012-356 9344 (Yazeereen)
012-664 9570 (Aqilah)

Email : ukk@dof.gov.my ; pro@dof.gov.my